

佛告比丘。一切人民所居舍宅。皆有鬼神無有空者。一切街巷四衢道中。屠兒市肆及丘塚間。皆有鬼神無有空者。凡諸鬼神皆隨所依。即以名。依人名人。佛告比丘。一切樹木極小如車軸者。皆有鬼神依止。無有空者。一切男子女人初始生時。皆有鬼神隨逐擁護。若其死時。彼守護鬼攝其精氣。其人則死。菩薩從兜術天降神母胎說廣。大正藏第12卷1024頁。彌勒心有所念。幾念幾想。幾識耶。彌勒言。拍手彈指之頃。三十二億百千念。念念成形。形形皆有識。識念極微細。不可執持。佛之威神。入彼微識。皆令得度。此識教化非無識也。復次微識極微細。過於微塵。此微塵識不可覩見。如來威神入彼教化。皆令得度。彌勒當知。未有狐疑。此微塵識亦受四氣。亦有四生。

大乘大集地藏十輪經第三卷。大正藏第13卷736頁。大梵如是破戒惡行。苾芻。雖於我法毘奈耶中。名為死尸。而有出家戒德餘勢。譬如牛麁ゴロ身命終後。雖是無識傍生死尸。而牛有黃而麁有香。能為無量無邊有情作大饒益。破戒苾芻亦復如是。雖於我法毘奈耶中。名為死尸。而有出家戒德餘勢。能為無量無邊有情作大饒益。如是破戒惡行。苾芻。一切白衣皆應守護恭敬供養。我終不許諸在家者。以鞭杖等捶拷其身。或閉牢獄。或復呵罵。或解支節。或斷其命。我唯許彼清淨僧眾。於布薩時。或自恣時。驅擯令出。一切給施四方僧物。飲食資具。不聽受用。一切沙門毘奈耶事。皆

令驅出。不得在眾。而我不許。加其鞭杖繫縛。斷命。爾時世尊而說頌曰。

瞻博迦華雖萎悴。而尚勝彼諸餘華。  
破戒惡行諸苾芻。猶勝一切外道眾。  
楞嚴經1卷28。（上數字表甘泉寺簡釋本頁碼）

一切眾生從無始來。種種顛倒。業種自然。如惡叉聚。諸修行人。不能得成。無上菩提。乃至別成聲聞緣覺。及成外道。諸天魔王及魔眷屬。皆由不知二種根本。錯亂修習。猶如煮沙。欲成嘉饌。縱經塵劫。終不能得。一者無始生死根本。則汝今者。與諸眾生。用攀緣心。為自性者。二者無始菩提涅槃元清淨體。則汝今者。識精元明。能生諸緣。緣所遺者。由諸眾生。遺此本明。雖終日行。而不自覺。枉入諸趣。

4卷<sup>158</sup>想愛同結。愛不能離。則諸世間父母子孫相生不斷。是等則以欲貪為本。貪愛同滋。貪不能止。則諸世間卵化濕胎。隨力強弱。遞相吞食。是等則以殺貪為本。以人食羊。羊死為人人。死為羊。如是乃至十生之類。死死生生。互來相噉。惡業俱生。窮未來際。是等則以盜貪為本。汝負我命。我還汝債。以是因緣。經百千劫。常在生死。汝愛我心。我憐汝色。以是因緣。經百千劫。常在纏縛。唯殺盜淫三為根本。<sup>181</sup>汝等決定發菩提心。於佛如來妙三摩提。不生疲倦。應當先明發覺初心。二決定義。第一義者。汝等若欲捐捨聲聞。修菩薩乘。入佛知見。應當審觀因地發心。與果地覺。為同為異。阿難。若於因地。以生滅心。為本修因。而求佛乘。不生不滅。無有是處。

<sup>185</sup>第二義者。汝等必欲發菩提心。於菩薩乘。生大勇猛。決定棄捐。諸有為相。應當審詳。煩惱根本。此無始來。發業潤生。誰作誰受。<sup>186</sup>若不審觀煩惱根本。則不能知虛妄根塵。何處顛倒。處尚不知。云何降伏。取如來位。眼耳鼻舌及與身心。六為賊媒。自劫家寶。由此無始眾生。世界生纏縛故。於器世間。不能超越。

5卷<sup>207</sup>根塵同源。縛脫無二。識性虛妄。猶如空花。阿難。由塵發知。因根有相。相見無性。同於交蘆。是故汝今。知見立。知即無明本。知見無見。斯即涅槃。無漏真淨。云何是中。更容他物。

6卷<sup>280</sup>若不斷淫修禪定者。如蒸沙石。欲其成飯。經百千劫。祇名熱沙。汝以姪身求佛妙果。縱得妙悟。皆是姪根。根本成姪。輪轉三途。必不能出。如來涅槃。何路修證。必使姪機身心俱斷。斷性亦無。於佛菩提。斯可希冀。諸世界六道眾生。其心不殺。則不隨其生死相續。汝修三昧。本出塵勞。殺心不除。塵不可出。縱有多智禪定現前。如不斷殺。必落神道。上品之人。為大力鬼。中品即為飛行夜叉。諸鬼帥等。下品當為地行羅刹。彼諸鬼神。亦有徒眾。各各自謂成無上道。我滅度後。末法之中。多此神鬼。熾盛世間。自言食肉得菩提路。<sup>283</sup>食肉人縱得心開。似三摩地。皆大羅刹。報終必沈。生死苦海。非佛弟子。如是之人。相殺相吞。相食未已。云何是人。得出三界。清淨比丘。及諸菩薩。於岐路行。不踏生草。況以手拔。云何大悲。取諸眾生。血肉充食。若諸比丘。不服東方絲綿絹帛。及是此土。靴履裘毳。乳

酪醍醐。如是比丘於世真脫。酬還宿債不遊三界：服其身分皆為彼緣。如人食其地中百穀足不離地。必使身心於諸眾生。若身分。身心二途不服不食。我說是人真解脫者。<sup>7卷</sup> 324佛頂光聚悉怛多般怛羅祕密伽陀微妙章句。出生十方一切諸佛。十方如來。因此咒心。得成無上正遍知覺。十方如來。執此咒心。降伏諸魔。制諸外道：十方如來。依此咒心。能於十方拔濟群苦。所謂地獄餓鬼畜生盲聾瘡痂怨憎會苦愛別離苦。求不得苦。五陰熾盛。大小諸橫。同時解脫：令諸小乘聞祕藏。不生驚怖。十方如來。誦此咒心。成無上覺。坐菩提樹。入大涅槃。十方如來。傳此咒心。於滅度後。付佛法事。究竟住持。嚴淨戒律。悉得清淨。若我說是佛頂光聚般怛羅咒。從旦至暮。音聲相連。字句中。間亦不重疊。經恒沙劫。終不能盡：汝等有學。未盡輪迴。發心至誠。趣向阿耨多羅三藐三菩提。不持此咒。而坐道場。令其身心。遠諸魔事。無有是處。<sup>340</sup>欲修真三摩地。直詣如來大涅槃者。先當識此眾生世界二顛倒。因顛倒不生。斯則如來真三摩地。<sup>341</sup>由性明心。性本自明。性明圓故。妄加。因明發性。因明。所立即妄見生。妄自加明。性明圓故。明故。因明發性。立所性。妄見生。從畢竟無成。究竟有此。有所有。非因。無明非諸。所因。諸相非。住所住。相了無根本。本此無住。建立世界及諸眾生。迷本圓明。惑不能蔽。曰明。是生虛妄。妄性無體。非有所依。將欲復真。欲真已非。真如性。非真求復宛成。非相。非生。非住。非心。非法。展轉發生。生力發明。熏以成業。同業相感。因有感業相

滅相生。由是故有眾生顛倒：世界顛倒是。有所有分段妄生。因此界立。非因所因。無住所住。遷流不住。因此世成。三世四方。和合相涉。變化眾生。成十二類。是故世界因動有聲。因聲有色。因色有香。因香有觸。因觸有味。因味知法。六亂妄想。成業性。故十二區分。由此輪轉。是故世間。聲香味觸。窮十二變。為一旋復。乘此輪轉。顛倒相故。是有世界。卵生胎生濕生化生。有色無色。有想無想。若非有色。若非無色。若非有想。若非無想：因世界虛妄。輪迴動顛倒。故和合氣。成八萬四千飛沈亂想。如是故有。卵羯邏藍。流轉國土。魚鳥龜蛇。其類充塞。由因世界。雜染輪迴。欲顛倒。故和合滋成。八萬四千橫豎亂想。如是故有。胎遏蒲曇。流轉國土。人畜龍仙。其類充塞：因世界怨害輪迴。殺顛倒。故和合怪。成八萬四千食父母想。如是故有。非無想。相無想。羯南流轉國土。如土梟等。附塊為兒。及破鏡。鳥以毒樹果。抱為其子。子成父母。皆遭其食。其類充塞。<sup>8卷</sup> 370眾生實本真淨。因彼妄見。有妄習生。因此分開。內分。外分。阿難。內分。即是眾生。分內。因諸愛染。發起妄情。情積不休。能生愛水。是故眾生。心憶珍羞。口中水出。心憶前人。或憐或恨。目中淚盈。貪求財寶。心發愛涎。舉體光潤。心著行姪。男女二根。自然流液。阿難。諸愛。雖別流結。是同潤濕。不昇自然。從墜。此名內分：外分。即是眾生。分外。因諸渴仰。發明虛想。想積不休。能生勝氣。是故眾生。心持禁戒。舉身輕清。心持咒印。願眇雄毅。心欲生天。

夢想飛舉。心存佛國。聖境冥現。事善知識。自輕身命：諸想。雖別輕舉。是同。飛動不沈。自然超越。此名。外分：一切世間。生死相續。生從順習。死從變流。臨命終時。未捨暖觸。一生善惡。俱時頓現。死逆生順。二習相交。純想即飛。必生天上。若飛心中。兼福兼慧。及與淨願。自然心開。見十方佛。一切淨土。隨願往生。情少想多。輕舉非遠。即為飛仙。大力鬼王。飛行夜叉。地行羅刹。遊於四天。所去無礙。其中若有善願。善心。護持我法。或護禁戒。隨持戒人。或護神咒。隨持咒者。或護禪定。保綏法忍。是等親住。如來座下。情想均等。不飛不墜。生於人間。想明斯聰。情幽斯鈍。情多想少。流入橫生。重為毛群。輕為羽族。七情三想。沈下水輪。生於火際。受氣猛火。身為餓鬼。常被焚燒。水能害己。無食無飲。經百千劫。九情一想。下洞火輪。身入風火。二交過地。輕生有間。重生無間。二種地獄。純情即沈。入阿鼻獄。若沈心中。有謗大乘。毀佛禁戒。誑妄說法。虛貪信施。濫膺恭敬。五逆十重。更生十方阿鼻地獄。循造惡業。雖則自招。眾同分中。兼有元地：此等皆是。彼諸眾生。自業所感。造十習。因受六交報。云何十因。阿難。一者。姪習交接。發於相磨。研磨不休。如是。故有大猛火光。於中發動。如人以手。自相磨觸。暖相現前。二習。相然。故有鐵床銅柱。諸事。是故。十方一切。如來。色目。行姪。同名。欲火。菩薩。見欲。如避火坑：眾生六識。造業。所招。惡報。從六根出。云何。惡報。從六根出。一者。見報。招引。惡果。此見業。交則。臨終

①此能有之無明及三細之諸相。非真有。因妄以為因。眾生為能住。無明為所住。依無明妄故。了無根本以妄非真。本無住而立世界眾生。②迷真起妄。眾相競生。故名眾生。此明起妄之本。③因迷本性故。欲復真。然希欲心生。自己失真。故曰欲真已非。真真如性。以非真而求復於真。則宛轉成妄。

時先見猛火滿十方界。亡者神識飛墜乘煙入無間獄。發明二相。一者明見。則能遍見種種惡物。生無量畏。二者暗見。寂然不見。生無量恐。如是見火。燒聽能為鑊湯。洋銅。燒息能為黑煙。紫焰。燒味能為焦丸。鐵糜。地獄十因六果。皆是眾生迷妄所造。若諸眾生惡業同造。入阿鼻獄。受無量苦。經無量劫。六根各造。及彼所作。兼境兼根。是人則入八無間獄。身口意三。作殺盜淫。是人則入十八地獄。

387 眾生非破律儀。犯菩薩戒。毀佛涅槃。諸餘雜業。歷劫燒然。後還罪畢。受諸鬼形。若於本因。貪物為罪。是人罪畢。遇物成形。名為怪鬼。貪色為罪。是人罪畢。遇風成形。名為魅鬼。貪惑為罪。是人罪畢。遇畜成形。名為魅鬼。貪恨為罪。是人罪畢。遇蟲成形。名為毒鬼。皆以純情墜落。業火燒乾。上出為鬼。此等皆是自妄想業之所招引。若悟菩提。則妙圓明。本無所有。復次阿難。鬼業既盡。則情與想。俱成空。方於世間。與元負人。怨對相值。身為畜生。酬其宿債。物怪之鬼。物銷報盡。生於世間。多為梟鸞。風魅之鬼。風銷報盡。生於世間。多為狐類。蟲蠱之鬼。蟲滅報盡。生於世間。多為毒類。惡業本自發明。非從天降。亦非地出。亦非人與。自妄所招。還自來受。菩提心中。皆為浮虛妄想。凝結。從是畜生。償先債。若彼酬者。分越所酬。此等眾生。還復為人。反徵其剩。如彼有力。兼有福德。則於人中。不捨人身。酬還彼力。若無福者。還為畜

生償彼餘直。阿難當知。若用錢物。或役其力。償足自停。如於中間。殺彼身命。或食其肉。如是乃至。經微塵劫。相食相誅。猶如轉輪。互為高下。無有休息。除奢摩他。及佛出世。不可停寢。汝今應知。彼梟倫者。酬足復形。生人道中。參合頑類。彼咎徵者。酬足復形。生人道中。參合愚類。彼狐倫者。酬足復形。生人道中。參合很類。彼毒倫者。酬足復形。生人道中。參合庸類。是等皆以宿債畢。酬復形。人道皆無始。來業計。顛倒相生。相殺不遇。如來不聞正法。於塵勞中。法爾輪轉。此輩名為可憐愍者。

9 卷 410 阿難如是地獄餓鬼畜生。人及神仙。天洎。及修羅。精研七趣。皆是昏沈。諸有為想。妄想受生。妄想隨業。於妙圓明。無作本心。皆如空花。元無所有。但一虛妄。更無根緒。阿難。此等眾生。不識本心。受此輪迴。經無量劫。不得真淨。皆由隨順。殺盜淫故。反此三種。又則出生。無殺盜淫。有名鬼倫。無名天趣。有無相傾。起輪迴性。若得妙發。三摩提者。則妙常寂。有無二無。無二亦滅。尚無不殺不偷不姪。云何更隨。殺盜淫事。阿難。不斷三業。各各有私。因各各私。眾私同分。非無定處。自妄發生。生妄無因。無可尋究。汝勗修行。欲得菩提。要除三惑。不盡三惑。縱得神通。皆是世間。有為功用。習氣不滅。落於魔道。雖欲除妄。倍加虛偽。如來說為可哀憐者。汝等有學。緣覺聲聞。今日迴心。趣大菩提。無上妙覺。吾今已說。真修行法。汝猶未識。修奢摩他。毘婆舍那。微細魔事。魔境現前。汝不能識。洗心非正。落於邪

見。或汝陰魔。或復天魔。或著鬼神。或遭魘魅。心中不明。認賊為子。又復於中。得少為足。如第四禪。無聞比丘。妄言證聖。天報已畢。衰相現前。謗阿羅漢。身遭後有。墮阿鼻獄。汝應諦聽。吾今為汝。仔細分別。汝等當知。有漏世界。十二類生。本覺妙明。覺圓心體。與十方佛。無二無別。由汝妄想。迷理為咎。癡愛發生。生發遍迷。故有空性。化迷不息。有世界生。則此十方微塵。國土。非無漏者。皆是迷頑妄想。安立。汝等一人發真歸元。此十方空。皆悉銷殞。云何空中。所有國土。而不振裂。汝輩修禪。飾三摩地。十方菩薩。及諸無漏。大阿羅漢。心精通。溜當處。湛然。一切魔王。及與鬼神。諸凡夫天。見其宮殿。無故崩裂。大地振坼。水陸飛騰。無不驚懼。凡夫昏暗。不覺遷訛。彼等咸得五種神通。唯除漏盡。戀此塵勞。如何令汝。摧裂其處。是故神鬼。及諸天魔。魘魅妖精。於三昧時。僉來惱汝。然彼諸魔。雖有大怒。彼塵勞內。汝妙覺中。如風吹光。如刀斷水。了不相觸。汝如沸湯。彼如堅冰。煖氣漸鄰。不日銷殞。恃神力。但為其客。成就破亂。由汝心中。五陰主人。主人若迷。客得其便。當處禪那。覺悟無惑。則彼魔事。無奈汝何。陰銷入明。則彼群邪。咸受幽氣。明能破暗。近自銷殞。如何敢留。擾亂禪定。若不明悟。被陰所迷。則汝阿難。必為魔子。成就魔人。阿難當知。汝坐道場。銷落諸念。其念若盡。則諸離念。一切精明。動靜不移。憶忘如一。當住此處。入三摩提。如明目人。處大幽暗。精性妙淨。心未發光。此則名為色

陰區宇。若日明朗。十方洞開。無復幽黯。名色陰盡。是人則能超越劫濁。觀其所由。堅固妄想。以為其本。阿難。當在此中。精研妙明。四大不織。少選之間。身能出礙。此名精明。流溢前境。斯但功用。暫得如是。非為聖證。不作聖心。名善境界。若作聖解。即受群邪。

442 受陰虛妙。不遭邪慮。圓定發明。三摩地中心。愛懸應周。流精研貪。求冥感。爾時天魔。候得其便。飛精附人口。說經法。其人元不覺。知魔著。亦言自得。無上涅槃。來彼求應。善男子。處敷座說法。能令聽眾。暫見其身。如百千歲。心生愛染。不能捨離。身為奴僕。四事供養。不覺疲勞。各各令其座下人心。知是先師。本善知識。別生法愛。粘如膠漆。得未曾有。是人愚迷惑。為菩薩親近其心。破佛律儀。潛行貪欲。口中好言。我於前世。於某生中。先度某人。當時是我妻妾兄弟。今來相度。與汝相隨。歸某世界。供養某佛。或言別有大光明天。佛於中住。一切如來。所住居地。彼無知者。信是虛誑。遺失本心。此名厲鬼。年老成魔。惱亂是人。厭足心生。去彼人體。弟子與師。俱陷王難。汝當先覺。不入輪迴。迷惑不知。墮無間獄：  
454 十種魔於末世時。在我法中出家修道。或附人體。或自現形。皆言已成。正遍知覺。讚歎姪欲。破佛律儀。先惡魔師。與魔弟子。姪姪相傳。如是邪精魅。其心腑。近則九生。多踰百世。令真修行。總為魔眷。命終之後。畢為魔民。失正偏知。墮無間獄。汝今未須先取寂滅。縱得無學。留願入彼末法之中。起大慈悲。救度正

心深信眾生。令不著魔。得正知見。我今度汝。已出生死。汝遵佛語。名報佛恩。阿難。如是十種禪那現境。皆是想陰。用心交互。故現斯事。眾生頑迷。不自忖量。逢此因緣。迷不自識。謂言登聖。大妄語成。墮無間獄。汝等必須將如來語。於我滅後。傳示末法。遍令眾生開悟。斯義。無令天魔得其方便。保持覆護。成無上道。  
10 卷 475 十種禪那狂解。皆是行陰。用心交互。故現斯悟。眾生頑迷。不自忖量。逢此現前。以迷為解。自言登聖。大妄語成。墮無間獄。汝等必須將如來語。於我滅後。傳示末法。遍令眾生覺了。斯義。無令心魔自起深孽。保持覆護。消息邪見。教其身心。開覺真義。於無上道。不遭歧岐。勿令心祈得少為足。作大覺王清淨標指  
大般涅槃經 6 卷 34 若有眾生於熙連河沙諸如來所發菩提心。乃能於是惡世受持如是經典。不生誹謗。於八恒河沙諸如來所發菩提心。然後乃能於惡世中不謗是法。受持讀誦書寫經卷。亦勸他人。令得書寫。自能聽受。復勸他人。令得聽受。讀誦通利。擁護堅持。憐愍世間諸眾生。故供養是經。亦勸他人。令其供養。恭敬尊重。讀誦。具足能解。盡其義味。所謂如來常住。不變畢竟安樂。廣說眾生。悉有佛性。善知如來所有法藏。建立如是無上正法。受持擁護。  
37 於乘緩者。乃名為緩。於戒緩者。不名為緩。菩薩摩訶薩。於此大乘心不懈慢。是名奉戒。為護正法。以大乘水。而自澡浴。是故菩薩。雖現破戒。不名為緩。

7 卷 41 諸戒中。若犯小戒。乃至細微。當受苦報。無有齊限。如是知已。防護自身。如龜藏六。若有律師。復作是言。凡所犯戒。都無罪報。如是之人。不應親近。若不護持。禁戒。云何當得見於佛性。一切眾生。雖有佛性。要因持戒。然後乃見。因見佛性。得成阿耨多羅三藐三菩提。  
8 卷 49 所有種種異論。咒術言語文字。皆是佛說。非外道說。迦葉菩薩白佛言。世尊。云何如來說字根本。佛言。善男子。初說半字。以為根本。持諸記論。咒術文章。諸陰實法。凡夫之人。學是字本。然後能知。是法非法。  
9 卷 58 大乘典有丈夫相。所謂佛性。若人不知。是佛性者。則無男相。若有不能知佛性者。我說是等名。為女人。若能自知。有佛性者。我說是人為大丈夫。若有女人。能知自身。定有佛性。當知是等。即為男子。  
10 卷 61 純陀白佛言。世尊。如佛所說。所有之物。布施一切。唯可讚歎。無可毀損。  
世尊。是義云何。持戒毀戒。有何差別。佛言。唯除一人。餘一切。施皆可讚歎。純陀問言。云何名為唯除一人。佛言。如此經中所說。破戒。純陀復言。我今未解。唯願說之。佛告純陀。言破戒者。謂一闍提。其餘在所。一切布施。皆可讚歎。獲大果報。純陀復問。一闍提者。其義云何。佛告純陀。若有比丘。及比丘尼。優婆塞。優婆夷。發願惡言。誹謗正法。造是重業。永不改悔。心無慚愧。如是等人名。為趣向一闍提道。若犯四重。作五逆罪。自知定犯。如是重事。而心

初無怖畏慚愧不肯發露。於佛法永無護惜建立之心。毀些輕賤言多過咎。如是等人亦名趣向一闍提道。若復說言無佛法僧。如是等人亦名趣向一闍提道。唯除如此一闍提輩。施其餘者一切讚歎：

62 犯四重及五逆罪誹謗正法。如是等人名為破戒。純陀復問。如是破戒可拔濟不。佛告純陀。有因緣故則可拔濟。若被法服猶未捨遠。其心常懷慚愧恐怖而自考責。咄哉何為犯斯重罪。何其怪哉。造斯苦業。深自改悔。生護法心。欲建正法。有護法者。我當供養。若有讀誦大乘典者。我當諮問。受持讀誦。既通利已。復當為他分別廣說。我說是人不為破戒。62 犯重罪者。汝今諦聽。我當為汝分別廣說。應生是心。謂正法者。即是如來微密之藏。是故我當護持建立。施是人者。得勝果報。：犯四重禁。五無間罪。生護法心。亦復如是。雖復先為不善之業。以護法故。得為世間無上福田。是護法者。有如是等無量果報。

11 卷74 夫死者於險難處無有資糧。去處懸遠而無伴侶。晝夜常行不知邊際。深邃幽闇。無有燈明。入無門戶而有處所。雖無痛處不可療治。往無遮止。到不得脫。無所破壞。見者愁毒。非是惡色。而令人怖。敷在身邊不可覺知。迦葉。以是等譬及餘無量無邊譬喻。當知是死真為大苦。

14 卷91 菩薩摩訶薩住於初地。名曰大慈。最極惡者。名一闍提。初住菩薩修大慈時。於一闍提心無差別。不見其過。故不生瞋。以是

義故得名大慈。

92 菩薩若見持戒破戒。乃至果報。終不能施。若不布施。則不具足檀波羅蜜。若不具足檀波羅蜜。則不能成阿耨多羅三藐三菩提。

19 卷125 聽受如是大涅槃經。得知一切諸法名字。若能書寫讀誦通利。為他廣說。思惟其義。則知一切諸法義理。其聽受者。唯知名字。不知其義。若能書寫受持讀誦。為他廣說。思惟其義。則能知義。聽是經者。聞有佛性。未能得見。書寫讀誦。為他廣說。思惟其義。則得見之。聽是經者。聞有檀名。未能得見。檀波羅蜜。書寫讀誦。為他廣說。思惟其義。則能得見。檀波羅蜜。乃至般若波羅蜜。亦復如是。

128 莫生念。我聽法已。先自度身。然後度人。先自解身。然後解人。先自安身。然後安人。先自涅槃。然後令人。而得涅槃。於佛法僧。應生等想。於生死中生大苦想。於大涅槃。應生常樂我淨之想。先為他人。然後為身。當為大乘。莫為二乘。於一切法。當無所住。亦莫專執一切法相。於諸法中。莫生貪想。常生知法見法之想。能如是。至心聽法。是則名為聞所不聞。

130 布施者是涅槃因。非大涅槃因。檀波羅蜜乃得名為大涅槃因。三十七品是涅槃因。非大涅槃因。無量無邊阿僧祇劫。菩提法。乃得名為大涅槃因。

21 卷138 詐親善者。名為貪愛菩薩摩訶薩。深觀愛結。如怨詐親。若知實者。則無能為。若不能知。必為所害。貪愛亦爾。若知其性。則不能令眾生輪轉生死苦中。如其不知輪迴六趣。

具受眾苦。何以故。愛之為病。難捨離故。如怨詐親。難可遠離。怨詐親者。常伺人便。令愛別離。怨憎會。愛亦如是。令人遠離一切善法。近於一切不善之法。如凡夫人。見生死過。雖有智慧。以癡覆。故後還不見。何名為怨詐親相。如怨不實。詐現實相。不可親近。詐現近相。實是不善。詐現善相。實是不愛。詐為愛相。常誑一切輪迴生死。以是義故。菩薩觀愛如怨。詐親。怨詐親者。但見身口。不睹其心。是故能誑。愛亦如是。唯為虛誑。實不可得。

139 菩薩觀內六入。空無所有。如彼空聚。善男子。彼空聚。落群賊。遠望。終不生於空虛之想。凡夫之人。亦復如是。於六入。聚不生空想。以其不能生空想。故輪迴生死。受無量苦。觀此六入。常生空想。生空想。故則不輪迴生死。受苦。群賊入此空聚。則得安樂。煩惱諸賊亦復如是。入此六入。則得安樂。如賊住空聚。心無所畏。煩惱群賊亦復如是。住是六入。亦無所畏。如彼空聚。乃是師子虎狼種種惡獸之所住處。是內六入亦復如是。一切眾惡煩惱惡獸之所住處。是故菩薩深觀六入。空無所有。純是一切不善住處。內六入者。亦復如是。空無所有。而作有想。實無有樂。而作樂想。實無有人。而作人想。唯有智人。乃能知之。得其真實。智者所知。非是眼見。是故菩薩觀內六入。多諸怨害。修八聖道。不休不息。

22 卷146 云何菩薩摩訶薩滅除有餘。有餘有三。一者煩惱餘報。二者餘業。三者餘有。善男子。云何名為煩惱餘報。若有眾生習近貪欲。

是報熟故墮於地獄。從地獄出受畜生身。所謂鴿、雀、鴛鴦、鸚鵡、耆婆耆婆、舍利伽鳥、青雀、魚、鼈、獼猴、麋鹿。若得人身受黃門形女人二

根無根姪女。若得出家犯初重戒。是名餘報。復次善男子。若有眾生。以殷重心習近瞋恚。是報熟故墮於地獄。從地獄出受畜生身。所謂毒蛇。具四種毒。見毒、觸毒、齧毒、噓毒。師子、虎、狼、熊、羆、貓、狸、鷹、鷂之屬。若得人身。具足十

六諸惡律儀。若得出家犯第二重戒。是名餘報。復次善男子。若有修習愚癡之人。是報熟時墮於地獄。從地獄出受畜生身。所謂象、豬、牛羊、水牛、蚤、虱、蚊、虻、蠅、子等形。若得人身。聾、盲、瘖、啞、癱、殘、背、僂、諸根不具。不能受法。若得

出家諸根闇鈍。意犯重戒。乃至卑賤。是名餘報。復次善男子。若有修習憍慢之人。是報熟時墮於地獄。從地獄出受畜生身。所謂糞蟲、駝、驢、犬、馬。若生人中。受奴婢身。貧窮、乞、丐。或

得出家。常為眾生之所輕賤。破第四戒。是名餘報。如是等名煩惱餘報。如是餘報。菩薩摩訶薩。以能修習大涅槃。故悉得除滅。

23卷<sup>149</sup>何法能為大涅槃。而作近因。菩薩即知有四種法。為大涅槃。而作近因。若言勤修一切苦行。是大涅槃。近因緣者。是義不然。所以者何。若離四法。得涅槃者。無有是處。何等為四。一者親近善友。二者專心聽法。三者繫念思惟。四者如法修行。

27卷<sup>176</sup>解脫二種。一者子斷。二者果斷。言子斷者。名斷煩惱。阿羅漢等已斷煩惱。眾結爛壞。是故子結不能繫縛。未斷果。故名果繫縛。

諸阿羅漢不見佛性。以不見故。不得阿耨多羅三藐三菩提。以是義故。可言果繫。不得說言名色繫縛。

29卷<sup>188</sup>若有比丘修習定者。能見五陰生滅之相。善男子。若不修定。世間之事。尚不能了。況於出世。若無定者。平處顛墜。心緣異法。口宣異言。耳聞異聲。心解異義。欲造異字。手書異文。欲行異路。身涉異徑。若有修習三昧定者。則大利益。乃至阿耨多羅三藐三菩提。

30卷<sup>198</sup>菩薩摩訶薩。若未來世。有微塵等惡業。果報不定受者。以大願力。為眾生故。而悉受之。譬如病人。為鬼所著。藏隱身中。以咒力故。即時相現。或語或喜。或瞋。菩薩摩訶薩。未來之世。三惡道業。亦復如是。<sup>199</sup>或有眾生。為自利益。修諸苦行。菩薩摩訶薩。為利他故。修行苦行。是名自利。是故復名不可思議。

32卷<sup>211</sup>世尊。何等。人輩能斷善根。若有聰明。點慧。利根。能善分別。遠離善友。不聽正法。不善思惟。不如法住。如是之人。能斷善根。

33卷<sup>225</sup>無明。即是一切諸漏根本。一切眾生。無明因緣。於陰入界。憶想作相。名為眾生。是名想倒。心倒。見倒。以是因緣。生一切漏。是故我於十二部經。說無明者。即是貪。因瞋。因癡。因。從無明。生陰入界等。智者當觀。何因緣。故生是煩惱。造作何行。生此煩惱。於何時中生此煩惱。共誰住時。生此煩惱。何處止住。生此煩惱。觀何事。已生於煩惱。受誰房舍。臥具。飲食。衣服。湯藥。而生煩惱。何因緣。故轉下作中轉。中作上。下業作中。中業作上。菩薩摩

訶薩。作是觀時。則得遠離生漏。因緣。如是觀時。未生煩惱。遮令不生。已生煩惱。便得除滅。是故我於契經中說。智者當觀生煩惱因。

35卷<sup>233</sup>色是無常。因滅是色。獲得解脫。常住之色。受想行識。亦是無常。因滅是識。獲得解脫。常住之識。<sup>239</sup>我亦不說內外六入及六識名之為常。以是常故名之為我。

涅槃經後分<sup>上卷</sup><sup>248</sup>於此行苦。生死大海。勤修淨心。莫失念慧。疾求正智。速出諸有。三界受身為苦。輪無際。無明。即主恩。愛。魔王。役使身心。策為僮僕。遍緣境界。造生死業。貪。恚。狂。癡。念。念。傷害。無量劫。來常受苦惱。何有智者。不反斯原。未脫三界。世間痛苦。早求出離。於此五濁愛欲之中。應生憂畏。無救護想。一失人身。難可追復。畢此一形。常須警察。無常大鬼。情求難脫。憐愍眾生。莫相殺害。乃至蠢動。應施無畏。身業清淨。常生妙土。口業清淨。離諸過惡。莫食肉。莫飲酒。調伏心。蛇令人道。果深。思行業。善惡之報。如影隨形。三世因果。循環不失。此生空過。後悔無追。

249皆因無明。增長三界。生死大樹。漂沒愛河。眾苦長夜。黑闇崖下。繞生死柱。六識為枝。妄念為本。無明波浪。心識策使。遊戲六塵。種種苦惱。芽。無能制者。自在如王。是故我言。無明。即主。念念傷害。眾生不覺。輪轉生死。為此無明。起諸愛結。我見覆蔽。八萬四千煩惱。即主。役使其身。身心破裂。不得自在。無明若滅。三界都盡。以是因緣。名出世人。諦觀十二因

緣究竟無我深入本淨，即能遠離三界大火。正法念處經3卷11根塵相對迭相因緣，一切世界無始以來生死輪轉，彼如是觀，此生因緣境界大海皆悉無我，唯有內心境界因緣世間流轉。12風界二種一內二外，何者為內，身中所有若內分風數所攝，若輕輕動覺分所攝：謂上行風，若下行風：如是等風有八十種動如虫行。13身內分分處處風數所攝，輕動成熟有覺所攝，名內風界。行法意在前面，意有力速疾，先意動轉已，則能說能行，抖擻諸惡業，則能知退生諦知業果報，則得不死處，能制一切根樂利益眾生，諸根調寂靜，是安隱比丘乘駕六根輦，能殺欲心怨，能破壞魔軍。

4卷22若人受戒一發戒已，若睡若悶失心癡狂，如是善法相續轉行，譬如河流流常不斷，如是之人若睡若悶失心癡狂，如是無作常流不斷，無作名色不可見對，彼復云何色業所攝，此無作色乃是一切善法之柱。

25比丘如實觀眼，眼識見色，若生樂觸，則攀緣樂，非樂報業：眼識見色是惡意處，若眼觸生攀緣於苦，是樂報業，彼如實知，何者名為眼識見色攀緣於樂，非樂報業，於此法中隨順觀察，眼見色已不善思惟，觀察攀緣憶念味著而生樂心，現在雖樂後得苦報，成就地獄餓鬼畜生，何業現在得不樂報後得樂報，眼識見色而生眼觸，心善思惟觀察攀緣於現在世心不樂著，現在不樂非苦報業。

禁戒，若人重犯，彼比丘尼，彼人以是惡業因緣，身壞命終，墮於惡處，合大地獄，淚火出處，受大苦惱，所謂彼處相似受苦，彼苦堅韌，不愛業作，所謂大火普炎，所燒眼出火淚，彼淚是火即燒其身：更受餘諸苦惱，閻魔羅人劈其眼眶，法陀羅炭置眼令滿，劈其眼骨，猶如劈竹，彼地獄處如是惡畏，復以鐵鉤鐵杵，鐵枷鉤割打築，令身分散，以熱鐵鉗劈其糞門，洋熱白鐵內之令滿，如是內燒：生人中同業之處，常有癩病在其腹中，若身焦枯形貌醜陋，若守門戶身體狀貌如燒樹林。

9卷49無始以來造作種種惡不善業：處處流轉難相值故，喜愛業繩之所繫縛，是故輪轉處處異故，不可相值。

15卷83取佛財物而自食用，不還不償，不信彼業，而復更取復教他取為作住持，或施佛已復還攝取，或他與物令使施佛而自食用，彼人以是惡業因緣，身壞命終墮於惡處，在彼地獄生黑肚處受大苦惱，所謂苦者如前所說，活黑繩等七大地獄所受苦惱，彼一切苦此中具受百倍更重，復有勝者：飢渴燒身自食其身，食已復生：若生人中同業之處，作食屎等邪見外道，是彼惡業餘殘果報。

18卷101若人未斷貪欲，悲癡修學禪定，得世俗通，有因緣故起瞋恚心，破壞國土，是人身壞命終墮於地獄，受無量苦，從地獄出受於卵生飛鳥雕鷲之形，從此命終若生人中常多瞋恚，以餘業故：

24卷136是女人欲味念欲，依止於欲自性念

欲常念天子心不捨離，若見天子與諸天女娛樂受樂百倍，惛醉如是受樂乃至愛善業盡從天命終，隨業流轉墮於地獄餓鬼畜生。28卷157與諸天女種種莊嚴處處遊戲受種種樂，遍觀諸天所住之處，既觀察已轉增愛著，足百千倍不可為比，如是愛火六欲熾然不可調伏，妄愛為樂實為大苦：

158天子既至見諸天女，為諸欲境惡蛇所螫：諸天女等天鬘莊嚴，天子見之欲火燒心：時諸天女見其丈夫命將臨終，五死相現，猶如眾蜂捨於菱花赴新開花，諸天女等捨本所事，趣此天子亦復如是，種種天鬘種種天衣以自莊嚴，以愛欲心娛樂天子，令心喜悅，是退天子以無始來習諸愛欲，見其天女背叛異趣，心生熱惱，如阿鼻獄猛火燒身，見諸天女背己趣他，其心熱惱亦復如是，從天命終以嫉妬心自害其身，有報將盡取緣濁心更無所見，退墮地獄餓鬼畜生：前世人中之時，邪行非禮犯他婦女，以作善業生於天中，侵他妻故見斯惡業，如是善業之中惡業成熟，是故微少惡業所不應作。

31卷178先世以酒施於持戒之人，或破禁戒而自飲酒，或作麴釀，臨命終時其心迷亂，失於正念，為如是等二倍悔熱之所惱亂，墮於地獄，若於先世有殺生業，壽命短促速疾命終，若於先世有邪淫業，見諸天女皆悉捨已共餘天子互相娛樂，是則名曰五衰相：為生天故而持禁戒無常速壞，爾時則為業繩所縛，墮於地獄餓鬼畜生。

34卷195有無量種諸心種子造無量業。或教他不信作諸惡業。受報既盡猶如滯於大海之水令海枯竭：畜生中死生於天上甚為希有。非謂餓鬼地獄中也。何以故。以癡心故多作惡業墮畜生中。於一世中所作惡業。百千億生受之不盡。或於一劫至百千劫。生死流轉從生至生。業鎖所繫流轉世間受畜生身。是故寧墮地獄餓鬼。不受愚癡畜生之身：戲弄之中業最第一。種種業處。心大幻師遊戲諸道。生死之處戲弄眾生：

43卷246彼天愛聲觸味香色。念念之中增長傲慢。傲慢行故命則稍減。不覺命行不知命盡。不知行盡。不知善業若不善業。彼一切時常恒如是。乃至命盡傲慢不止。次第乃至善愛業盡。業盡則退。臨至退時爾乃覺知。起如是心。境界誑我令我生染。慢心故臨終猶無悔心。推境界所害然此境界乃己業所招感。如是慢誑身壞命終墮於惡道。

55卷313若作世間作出世間利益之法。久時乃作則不可作。既不可作而作之者則不成。就譬如有病不時速治。久乃治者則不可治。不可治故則能殺人。如是復有無量作法。不時速作。久乃作者難作。叵作不可得作。如是能障出世間道。微少煩惱。亦如彼病不速治。故煩惱不斷。以不斷故則入惡道。是久乃作之大過患。如是障礙出世間道。微少煩惱。不時斷。故漸次增長。猶如毒芽久則增長。燒一切身。能令眾生若墮地獄餓鬼畜生。是故不應安詳待後。久時乃作：若人待後久時乃作。彼人生過速得衰惱。乃經久時不能除滅。

不能破壞不能斷絕。以不斷故自得衰惱。若人不觀久時乃作。則速失壞。并根普拔：

314以布施故富樂轉勝。以智勝故勝一切天。一切樂受願是根本。若癡樂者則非是樂。

58卷330嬰兒身體細軟。母人觸之得大苦惱。若得新衣。麤澁厚重。或得故衣。補納破裂。孔穴穿露。狹小單薄。止於草蓐。寒時大冷。受大寒苦。熱則大熱。猶如火燒。以本布施不清淨。故受斯苦惱。從胎而出。受大苦惱。復以不淨。

布施因緣。令母少乳。所食苦澁。母食劣。故其乳則少。或母食麤惡。故令乳少。羸瘦惡色。唯筋皮骨。以為其身。飢渴病故。身體無力。若無所食。噉從他乞。求人。所輕賤。少得飲食。色香味薄。依他而食。辛苦繼命。以本所行不善。施故。乃至命盡。常不充足。

332是故應當以淨善心於福田中。以好財物而行布施。時處具足。於生死畏中。勤修精進。善心布施。天中少飢。一切生死皆依飲食。以除飢渴。是故一切應行布施。

334此諸天女。生死因緣。生大苦。因於無識者與之共遊。常行嶮惡。愛心不停。常求男子心。如惡毒。如惡嶮岸。能然一切男子心火。與如是等可畏。天女共受天樂。以愚癡故。而不遠避。若有智者。怖畏生死。欲求樂者。離諸天女。愚癡迷惑。欲覆心故。雖知因於女人。而得苦惱。不能捨離。不攝受無量利益。遮於惡道。為心所誑。於法不覺遊戲園林。天子見之。觀無厭足。隨其所見。種種境界。轉轉增長。如以蘇油灌於大火。不知厭足。無厭足則入近。

苦。以於苦中而生樂想。愛火所燒。復入林中。335寂靜之窟。圍遶花池。池名寂靜行處。以於先世不具持戒。生此池中。於先世時。其心堅固。能說法要。而身不能如說修行。猶如伎兒說業果報。從於地獄餓鬼中出。生此池中。多作鵝鳥。以本生處寂靜行。故生寂靜池。

62卷353於命終時。無有伴侶。唯有善業。及不善業。以為同伴。所作善業。猶如父母。將至樂處。不善惡業。猶如大怨。將至地獄餓鬼畜生。以是義故。應修善業。捨離諸惡。若能如是修行。念死。其心則不著於境界。不著貪欲。瞋恚。愚癡。怖畏。死故。不為妻子眷屬。因緣。作不善業。一切在家。若修此念。尚得寂靜。何況出家。臨死之時。刀風劍風之所解截。無歸無救。業繩所縛。將至餘世。非父母兄弟妻子眷屬。所能救護。若能如是。修念死相。是人則樂持戒智慧。以念死故。其心怖畏。不作一切不善之業。心作是念。一切眾生皆當歸死。天人地獄餓鬼境界。無處不死。若能如是修行。念死。畏未來世。其心不著色聲香味觸。若心念死。不為諸惡之所惱亂。

357乃至盡命不應信心。如此心者。輕躁難攝。自性曲戾。不住一境。樂於異境。一切愚癡凡夫。以此心故。流轉地獄餓鬼畜生。此心一切不可親友。輕躁緣境。迷惑一切愚癡凡夫。令其流轉在於地獄餓鬼畜生。雖常流轉。而不厭離。如此惡習。於生死中。受大苦惱。是故不應信此惡心。乃至未得聖印所印。不得須陀洹。閉惡道門。若不如是。遍行諸道。受一切苦。一

苦。以於苦中而生樂想。愛火所燒。復入林中。335寂靜之窟。圍遶花池。池名寂靜行處。以於先世不具持戒。生此池中。於先世時。其心堅固。能說法要。而身不能如說修行。猶如伎兒說業果報。從於地獄餓鬼中出。生此池中。多作鵝鳥。以本生處寂靜行。故生寂靜池。



切繫縛一切羈縛諸使煩惱和合甚難調伏

64卷<sup>369</sup>頭骨內自有蟲行名曰腦行遊行骨內生於腦中或行或住常食此腦：有耳蟲住在耳中食耳中肉以蟲瞋故令人耳痛或令耳聾：消睡蟲住咽喉中若人不食如上膩等蟲則安隱能消於睡於十脈中流出美味安隱受樂若人多睡蟲則得病以蟲病故則吐冷沫吐冷沫故胸中成病：醉味蟲行於舌端乃至命脈於其中間或行或住微細無足若食美食蟲則惛醉增長若食不美蟲則衰弱：微細甜味以用作蜜嗜味蟲食亦復如是然其所食雖復微細亦得充足若蟲得味我亦如是得此食味若蟲憶食我亦憶食若我不食如是醉蟲則亦病苦不得安隱

370六味蟲所貪嗜者我亦貪嗜隨此味蟲所嗜者我亦不嗜若得熱病蟲亦先得

371刺蟲若生瞋恚令人下痢猶如火燒口中乾燥飲食不消其身剝剝水入熱藏晝夜不睡於熟藏中撓攪糞穢令尿冷等與尿和合住如是處作下痢病令不憶食劣弱不健若人愁惱蟲則歡喜嗜人血脈以為哀惱或下赤血或不消下痢如是觀刺蟲已如實知身

65卷<sup>372</sup>見濕行蟲行背肉中知食消已入腰三孔取人糞穢汁則成尿滓則為糞令入下門

373見火食蟲住在身內行住陰中此蟲寒時則便歡喜熱時萎弱寒歡喜故人則憶食熱時火增不欲飲食於冬寒時陰則清涼熱則陰發

374刀口蟲始於母胎初出生時此蟲初生以法勝故始出胎藏飲母乳故是時此

蟲盡食餘蟲後還雜食以是因緣餘蟲還

生：善色蟲若我食時或食好肉或食惡肉或食重食蟲於身中為作安隱口中取味走遍身中令無煩惱氣力增長斷除諸病住在身中以福德故蟲有大力人則有色氣力充足若蟲無力人亦瘦瘠色貌憔悴

375少力蟲住在身中此蟲食髓若髓不足蟲則無力蟲無力故人亦無力復有餘蟲亦食人髓為於強蟲之所陵逼人則苦惱觀無力蟲已如實知身：起根蟲住在胞中若尿滿膀胱蟲則歡喜既歡喜已以尿因緣令身根起此是一切愚癡凡夫不善觀門：憶念歡喜蟲：若蟲歡喜有力多見諸夢或善不善以蟲過故以蟲流行於心脈故夢見眾相

66卷<sup>378</sup>見身瞋風若不調適耳中鳴喚臂肉調動一切身分皆亦調動處處逃走不樂一處更無餘病：如是十蟲生於血中其蟲形相或短或團微細無眼：如是等蟲遍行一切身分之中如意能行一切身中行一切界隨其行處皆作過惡

378集蟲風一切身中如意遍行此身如是以風因緣諸蟲流行：上下風若不調適行於五處作何等業作出入氣人說為命行於心頂遍於身中自在無礙：若氣在心或憂或喜：隨其所念則能有語能說文字思惟諸義

379有一風名互相閉欲命終時有五風起或調不調為作何業彼以聞慧或以天眼見眼耳鼻舌身心壞故於自境界色聲香味觸法中不能緣了若風不發命則不斷發則失命

不調順誑惑於人若人眠睡戲弄於人示人種種諸惡之念以妄想心作非梵行風不調

故夜行鬼女虛誑破實夢為其犯令不憶食

382睡眠風若不調順於聽法時令人惛睡聞不善法心則樂聞若晝若夜欲正觀察則為所亂樂至酒肆若風調順則無此病

67卷<sup>383</sup>持命風若不調順令人失命捨於覺知一切眾生第二之命能持於身依於識心以不調故能斷人命依持一切眾生生命根

384此風聚集此風和合如此風流緣於根界共業煩惱和合而住能持於身或為妨害是修行者遍觀一切身內諸風具足見已厭離欲心愛不能壞不入魔境近於涅槃以智慧日破無始流轉貪瞋癡闇：如實見之一切三界皆悉無常苦空無我如實見之：臨終時一切諸蟲先被惱亂蟲既死已人乃命終一切有為決定失壞如是死法必當有此堅

牢大惡如是比丘觀於頭中有十種蟲為風所殺一名頂內蟲為足甲風之所殺害二名腦內蟲為於兩足傍風之所殺害：一切身分血脈乾燥受於身心二種大苦：何故名之以為命風若出身中人即命盡故名命風

佛說處處經<sup>485</sup>八十億萬因緣經都治人三病一者貪婬二者瞋恚三者愚癡是三事分為六故應六衰治三病經所以多者譬如人服藥病不愈當更服餘藥佛言人意多端疾轉故多經隨意療之欲使疾解故

486舍利弗先佛度世去有三因緣一為宿命盡二為不欲見佛度世去三為無所復度脫舍利弗

行受人飯已還精舍中言當償債謂當坐禪念道為償債不念道為負債行受人施譬如負債未畢復更取前罪未竟今復造罪佛言食人施不可不念道亦自得復益一切用

488有一比丘坐得定意有一優婆塞見坐處不平牽起示其安處優婆塞後得五百劫不得安隱何以故斷道念故：有說經慎莫其中斷斷經罪重不可計489須陀洹為識苦斯陀含為棄習阿那含為知盡阿羅漢為行道已竟得須陀洹別百劫乃得阿羅漢何以故乃百劫須陀洹餘有十結不斷不得阿羅漢佛說罵意經491人從色飲食得身作人無所畏但恐得畜生從入地獄餓鬼中耳道人除鬚髮行乞食忍於飢渴去家棄財產目不妄視守護六根避惡因緣為欲脫苦又起一意有百劫殃譬如種穀百倍萬倍穀無所知常得萬倍人意有知恐不啻耳：有五事十方佛無能制者一者宿命當亡二者命應當上生三者命當盡壞四者命當老五者命當死是事無能制者

493有身得福有口意得福有空得福亦有身得罪亦有口意得罪亦有空得罪空得福者謂夢得金銀珍寶豪貴富樂：若勸人殺人後因緣橫為人所捶是為坐口罪意自作因緣為人所傷殺是為意罪：意欲殺人因夢人來殺之皆有因緣或前世後世或現世上夜夢者朝暮現在事夢所為善惡皆意所作所對亦俱意譬如有人直取一物觀視已便藏去之雖不見意念即來與見無異前世所

作便自與今世意作對：鸚鵡有赤唇嘴赤足者前世喜彩衣朱唇女人喜著長裙後世墮雉鷄中長尾皆過世所喜今因得之

佛說忠心經512欲求道者當端汝心人從癡故隨十二因緣便有生死：施行惡者入地獄餓鬼畜生鬼神中佛坐思念人癡故有生死何等為癡本從癡中來今生為人復癡心不解目不開不知死當何趣見佛不問見經不讀見沙門不承事不信道德見父母不敬不念世間苦不知地獄中考治劇是名為癡故有生不死人死如呼吸之間脆不過於人命人身中有三事身死識去心去意去是三者常相追逐施行惡者入地獄餓鬼畜生鬼神中施行善者三亦相追逐或生天上或生人中墮是五道中者皆坐心不端故佛告諸比丘皆當端汝目端汝耳端汝鼻端汝口端汝身端汝心身體皆當斷於土魂神當不復墮泥犁畜生鬼神中：人多貪好怒不思惟身中事死入地獄中後悔無所復及

佛說雜藏經521一人得菴羅樹花其色如金是人得好花欲為首飾即自惟念此頭無常壞時狐狗食噉糞土同流何用嚴飾即持入佛塔見佛像相好心生念言此是釋迦牟尼佛像相好續念佛功德佛是一切智人大慈大悲十力四無所畏等功德念已心熱毛豎即以華上佛上佛已念言雖聞佛說一華供養必得大報不知齊限多少即出見勸化道人問言以一花散佛得幾許福德答言我厭世苦捨五欲出家受戒而已不讀經書如此

深事我不能知：坐禪道人上座是六通羅漢必知此事即便往問念佛功德心熱毛豎以一花散佛得幾許福德阿羅漢即為觀之捨此身已次第受天上人中福德一世至千萬億世從一大劫乃至八萬大劫福猶不盡過是以往不能復知：遣化身至兜率天上詣彌勒所：彌勒答言不能知正使恒河沙等一生補處菩薩尚不能知況我一身所以者何佛有無量功德福田甚良於中種種果報無盡待我將來成佛乃能知之

佛說未曾有因緣經卷上538佛語羅雲我尚不能自保豈保汝也羅雲白佛徒勞聽法既不得道聞法之功何益於人佛告羅雲聽法之功雖於今身不能得道五道受身多所利益544有五比丘懶惰懈怠不修學問經書義理又不專行持戒精進世人輕慢不供養之貧窮困苦無復生理五人議曰：各共乞索辦具繩床於曠野中掃灑淨潔華幡莊嚴依次而坐外形似禪內思邪濁世人見之謂是聖人齋持供養百種飲食雲集供養於是五人飽足有餘爾時提達聞是事已遣人訪覓：545即勅嚴駕寶車香華伎樂詣五比丘：五比丘察見主人慇懃意重而共議言：我等今宜更施方便求覓錢財充為後時受五欲樂作是論已更相易代差遣一人遊諸聚落

宣語諸人唱如是言彼四比丘閑居寂靜護持禁戒斷絕酒肉不食葱蒜稱於梵行：不久修行成阿羅漢則為天下無上福田眾人聞已齋持種種錢財飲食運集來詣恭敬供

養如是多年提違女人：壽盡命終生化樂天。其五比丘專行巧偽邪濁心故。福盡命終生地獄中。八千億劫受大苦報。地獄罪畢受餓鬼形。魑魅魍魎如是展轉。經八千劫餓鬼罪畢。受六畜身償其主人。先世供養業報。因緣或作駱駝驢騾牛馬。隨其主人所受福處。常以筋力報償主人。如是展轉復八千世。畜生罪畢。雖獲人身。諸根閻鈍。無男女根。名為石女。自爾以來八千世中。常以筋力報償主人。於今不息。扇提羅等聞佛語已。忿怒隆盛。反背向佛。不欲聽聞。復有化佛。四維上下皆有佛對。扇提羅等見佛圍遶。五人即時稱怨大喚。而作是言。我等今者是弊惡罪人。佛今何為苦見逼耶？

546 罪業有二種障。一者業障。二者煩惱障。其罪輕者有煩惱障。重罪業障。具有二障。重罪障故不得受化。人行惡心貪現前利。如扇提羅歷世受殃於今不息。雖遇聖化如風過耳。罪業力故反生怨嫉。窈窕冥冥何時當免。惟日雜難經<sup>566</sup>菩薩受前百劫便得佛。人起一道意。其德勝十萬劫惡。世間人不能忍病一日。菩薩耐痛百劫。譬如人一日病。有時行道一日。其福百劫未盡故。<sup>567</sup>菩薩亦入罪亦出罪。意隨世間為入罪。意在世間為癡。出世間為慧。菩薩不作三惡道行。俱償三惡道罪畢。乃得阿惟越致。菩薩有一悲意勝禪百倍。獨未作阿惟越致。斯陀含耳。佛說法集經卷一<sup>571</sup>修陰方便者成就般若。若差別故。修界方便者。成就微細般若。若差別故。

修入方便者。成就遠離內外迷心故。修行入微細因緣集智者。成就種種智力故。<sup>586</sup>善能分別微密持戒。以是義故。彼諸菩薩所修持戒。非一切種智人不能得知。<sup>587</sup>菩薩知入。如空聚落。如彼空聚落。而自不知。是空聚落。彼諸人自不知。是空。如空聚落。菩薩如是知。十二入所謂眼入色入耳入聲入鼻入香入。意入法入。此諸入。無我無我所。菩薩若如是知。名為入智。

卷四<sup>590</sup>菩薩作是思惟。彼受唯是心。而心不住。不可取無形。何等法不可取無形。彼所受法為何所似。非心非心知。非心非心見。復作是思惟。隨何等心。從因緣生。見彼諸心。皆由他力而有。是菩薩不見離心而有菩提。知此心法。即是菩提。菩薩爾時即得心自在。以得心自在故。即於大乘而得自在。於一切眾生得平等心。是菩薩爾時住於大乘中。不依他力。是名菩薩心念處。<sup>591</sup>以法為根本。以法為自在。為大法王。為法

施主。常樂捨法。常不放棄。常樂寂靜。如來有如是等無量功德。菩薩念彼諸功德已。為成就彼功德。故修行。為成就彼功德。故正念。是故名為念佛。<sup>593</sup>得三昧。故得如實知。以如實知故。菩薩於一切眾生。生大慈悲。菩薩作是思惟。我今以此如實三昧法門。如實知。為令一切眾生成就。是菩薩以大慈悲心熏修。依彼大慈悲心。修持增上戒增上三昧。增上慧滿足。得阿耨多羅三藐三菩提。是故我今修持妙戒。不動

不放逸。我憶念一切眾生而修持戒。若菩薩不憶念一切眾生。持戒則非菩薩戒。是故我今為令一切眾生得安隱樂。修持淨戒。<sup>596</sup>菩薩住寂靜處。以能教化乾闥婆緊那羅摩睺羅伽。成就呪術妙藥。聖人法故。菩薩安住明智。以能具足成就三明故。菩薩住於勝寂。以得殊妙六通法故。菩薩住多聞慧。以能善知陰界入等差別法故。

卷五<sup>601</sup>一切法智慧滅。彼處一切無明不行。一切法無依滅。彼處一切六入不行。佛說本事經卷二<sup>632</sup>我觀世間無別一法。為諸有學未得心者。希求無上安樂果時。作外強緣。如善知識。彼諸有情。因善知識所求。皆遂。謂斷眾惡。修習諸善。得無雜染真淨之身。若諸有情。能知犯戒。所感果報。明了現前。如我知者。行住坐臥。皆不能安。言笑飲食。都無思念。其心驚惶。狂亂吐血。身形萎悴。如被刈蘆。以不知故。安然無畏。所以者何。諸犯戒罪。能感惡趣。增上猛利諸苦果報。

卷三<sup>638</sup>世尊為彼怖畏諸有阿賴耶者。恒為斷見所繫縛者。令知業果無失壞故。所說正法。現見應時。易見饒益。智者內證一切世間真實對治。謂能除滅憍慢渴愛。害阿賴耶。斷諸徑路。證真空性。離諸貪欲。證得究竟寂滅涅槃。由二纏故。令諸天人一類怯劣。一類勇猛。有慧眼者。能正觀察。

<sup>639</sup>為彼喜樂諸有阿賴耶者。恒為常見所繫縛者。令滅有故。所說正法。微細甚深。難見難悟。寂靜勝妙。非諸尋思所行境界。是諸審諦。

慧者所證一切世間真實對治，謂能除滅憍慢渴愛，害阿賴耶斷諸徑路，證真空性。

卷四<sup>643</sup>世有二種無欺誑法，云何為二？謂業與智。若諸有情已集諸業，其異熟果，若未現前終不盡滅。若諸有情已生諸智，一切煩惱若未永除終不捨離。

卷六<sup>650</sup>應以正慧如實隨觀，出無色有，謂正了知是為寂靜，是為微妙，謂離憍慢息諸渴愛，滅阿賴耶斷諸徑路，空無所得，愛盡離欲，寂滅涅槃。愚癡凡夫被諸利養，先破其膜，既破膜已，復破其皮，既破皮已，復破其肉，既破肉已，復斷筋脈，斷筋脈已，復破其骨，既破骨已，復傷髓腦，然後方住。我當云何不被利養及以衰損擾亂其心，獨處空閑勤修聖行，速證無上常樂涅槃。

佛說菩薩內習六波羅蜜經<sup>673</sup>佛言欲學菩薩道者當從此始。一數二隨三止四觀五還六淨。佛言一數為檀波羅蜜，數息者神得上天。為布施身中神，自致得須陀洹。斯陀含阿那含阿羅漢辟支佛得作佛，是為內檀波羅蜜。為布施得度，佛言二相隨，為尸波羅蜜。意與心相隨俱出入，不邪念意不轉，為不犯道禁，是為內尸波羅蜜。

佛說十二頭陀經<sup>680</sup>得一食時應作是念，我今若見渴乏眾生，以一分施之，我為施主，彼為受者，施已作是願言，令一切眾生與覆救之，莫墮慳貪。若欲食時當敷尼師壇淨手，作是念言，身中有八萬戶蟲，蟲得此食皆悉安隱。我今以食施此諸虫，後得道時當以法

施。汝是為不捨眾生，若不見困乏者，但食三分之二，以自支身命，所以者何？行者若貪心極，噉令腹脹胸塞妨廢行道。若留一分則身輕安隱易消無患，於身無損則行道無廢，是故應受節量食法。六者節量食後過中飲漿，則心生樂著，求種種漿果漿蜜漿等，求欲無厭不能一心修習善法。<sup>681</sup>四威儀中坐為第一，食易消化氣息調和，求道者大事未辦，諸煩惱賊常伺其便，不宜安臥。

佛說見正經<sup>701</sup>欲知見識神往來，生死所受者，當隨佛教行三十七品，智度無極，檢意勅意，調意正意，入禪三昧之妙，乃可具知。識神所墮去來之事耳。汝諸弟子當勤學知身事，意事，具了諸對，對至則滅除之，不為亂誤，堅固於正法，如此莫休。汝所疑問即可解了。識神有名無形，隨善惡行，依四大為體，初生身小諸根未具，識見復小，所知未備，及其長大六情具足，識亦隨體，愛欲諸習日生，盛具諸佛要集經<sup>卷726</sup>觀斯精進之業，而致超踰殊特之義，諸餘菩薩億百千劫，勤行積德，乃逮此定。今者文殊一彈指頃，輒悉具之。

佛說象腋經<sup>743</sup>凡夫等動搖總務生於戲論，知如是等悉皆不實。舍利弗，無者名為不實。不實者名妄語。舍利弗，妄語者名曰為邪。舍利弗，如是等事，攝取不實，是等邪見，名為正行。若法有實，有物有真，則無眾生入於涅槃。舍利弗，一切諸法亦非是實，非物非真是故。舍利弗，恒沙眾生入於涅槃，永不復生，亦不知盡。眾生不實，故舍利弗，若一切眾

生無有實想，是名具足於不實智。是故舍利弗，施無果報，能得具足滿於不實智。爾時舍利弗白佛言，世尊，云何智滿於不實智，而疾獲得無生法忍？佛言，舍利弗，若知不實而亦不證，舍利弗，何等是不實者？我見眾生見命見人見，斷見常見，有不實者。佛想法想，憎想涅槃想，舍利弗，若心動搖戲論總務皆是不實。舍利弗，如是執不實中，而得解脫，舍利弗，以是事故具不實智，而疾得於無生法忍。

佛昇忉利天為母說<sup>法經卷下756</sup>東方去此四十二四方大域，有別大界名曰志危。其土人民姪怒癡盛，弊惡慳貪，手執刀杖，無信嫉妬，犯戒瞋恚，多為徒倚，懈怠慢突，放心恣意，而不安詳。眾生顏貌變惡，下劣卑賤，相求長短，欲相危害，意相罵詈，誹謗相言，風雨不時，邪辭相教，其地堅韌，麤惡之瑕，荆棘污穢，周布土境。斯諸人民形體顏貌似水麻、油、草、木、藍色，衣服醜陋，飲食麤惡，貧窮困厄，土石七厄，加之杖痛，一類無差。命過終沒之後，悉墮地獄，餓鬼畜生。菩薩募供養利，不學道法，即生惡處，復次日連，菩薩又喜誹謗正法，既自不學，又止他人，令不受持，復次日連，菩薩呵折他人，斷不得共行誹謗之。菩薩不護身口意者，以是四法生於惡趣，而受惱患。

大淨法門經<sup>776</sup>五陰無常，道曉無常，五陰無安，道解苦義，五陰空無，道曉了空，五陰無我，了無我義，則為道矣。已了五陰，則便解道，為諸佛道。又諸佛者不離五陰，乃成佛道。道

不離陰，覺了五陰乃號為佛：陰種諸入自然為道，道亦自然，曉了分別陰種諸入，設於己身能除陰種諸入事者，則為道矣。

大莊嚴法門經<sup>785</sup>是故汝身陰界入性是名菩提，何以故？非離彼故名為菩提，離陰界入事中菩提不可得，覺陰界入即是菩提，是故我說一切法平等覺，此名菩提。

<sup>786</sup>離煩惱菩薩，不見煩惱，不見清淨，非見非不見，離心意識者名離煩惱，於彼彼處心有分別，乃至念涅槃者，是名不離煩惱，何以故？或心或心數生攀緣罪福故，此攀緣者名一切作行，若作行已是為流轉，若流轉法名實流轉，一切流轉名為煩惱。<sup>788</sup>與誰諍論，女言：一切外道，又問：誰是外道？女言：於他邪說隨順忍受是名外道，復次菩薩忍心從何而生？女言：從一切眾生惱亂中生，何以故？若惱亂忍心不生，故若菩薩受諸眾生呵罵打辱，其心如地不起怨恨，是名為忍：瞋恨者能滅百劫所作善業，是名瞋恨。

大方廣如來祕藏經卷下<sup>802</sup>是十惡道若不堅著，名為不犯，如是迦葉，一切煩惱若不堅著，我說無犯：是十惡業道，殺及邪見，名為最重：諸惡不善若不堅住，若不堅執，若不堅著，一切我說名為不犯，迦葉，若少不善，若其堅住堅執堅著，一切我說名為犯。佛說諸法勇王經<sup>805</sup>菩薩摩訶薩不畢報施恩，何以故？菩薩摩訶薩本已清淨畢報施故。<sup>807</sup>唯有二人能報佛恩，何等為二？一者盡漏，二者發阿耨多羅三藐三菩提心。

<sup>808</sup>教一閻浮提所有眾生，令得速成無上智慧，不如有人精勤修集，如是經典，何以故？是經能壞一切魔眾，能破諸陰，不近諸界，分散諸入，滅除煩惱，發白淨性，除却累法。

第一義法勝經<sup>837</sup>佛言：大仙，煩惱不了，我煩惱非斷煩惱：若使如來不放劫燒，一切眾生不知時節，不識劫名：若善不善業果報異，皆無知者：眾生等信劫盡燒，畏當燒劫，盡燒，非有眾生劫火所燒。

大威燈光仙人問疑經<sup>841</sup>以邪心故起眾生界，若諸眾生能有幾許心想轉者，還復爾數受後有生。

如來師子吼經<sup>846</sup>欲求義者，彼人當於自身中求：若欲求菩提者，應於自身五陰中求。占察善惡業<sup>卷下</sup><sup>866</sup>法身是無分別離念之法，唯有能滅虛妄識，想不起念著，乃所應得。

佛說妙法決定業障<sup>868</sup>羅漢獨證私入涅槃，譬如小賊密入他舍，修行菩薩菩提心，故攝諸眾生，寧同火坑，不住聲聞寂滅涅槃，不退菩提，以是義故，為攝眾生，令入佛道，故如是修行菩薩，一切世間天人阿修羅之所尊重，堪任供養，超越聲聞，則邪魔眷屬無能嫉惱。大方廣圓覺修多羅了義經<sup>876</sup>若復有人讚歎彼法，即生歡喜，便欲濟度，若復誹謗彼所得者，便生瞋恨，則知我相堅固，執持潛伏藏識，遊戲諸根，曾不間斷：末世眾生，希望成道，無令求悟，唯益多聞，增長我見，但當精勤降伏煩惱，起大勇猛，未得令得，未斷令斷，貪

瞋愛慢諂曲嫉妬對境不生，彼我恩愛一切寂滅，佛說是人漸次成就，求善知識，不墮邪見，若於所求別生憎愛，則不能入清淨覺海：末世眾生，將發大心，求善知識，欲修行者，當求一切正知見人，心不住相，不著聲聞緣覺境界，雖現塵勞，心恒清淨，示有諸過讚歎梵行，不令眾生入不律儀，求如是人，即得成就阿耨多羅三藐三菩提。末世眾生，見如是人，應當供養，不惜身命，彼善知識，四威儀中常現清淨，乃至示現種種過患，心無憍慢：於彼善友不起惡念，即能究竟成就正覺。心花發明，照十方刹：彼善知識，所證妙法，應離四病，云何四病？一者作病，若復有人作如是言：我於本心作種種行，欲求圓覺，彼圓覺性，非作得，故說名為病。二者任病：三者止病：若復有人，觀彼怨家，如己父母，心無有二，即除諸病。

外道問聖大乘無我義經<sup>890</sup>世間及出世間二種莊嚴，令諸有情，因莊嚴故，而生煩惱，處於輪迴，久久展轉，不知真如，彼知法者，思惟莊嚴，疑此苦受，彼苦受惡，遠離解脫，而不見道，愚癡有情，以迷執故，輪轉生死，墮於惡趣，行世間法，不見真如，盡彼輪迴，猶如織網，用線展轉，復去復來。<sup>891</sup>真如體離莊嚴句：以彼莊嚴果報，墮一切有，復有持明成就，夜叉緊那羅，摩睺羅伽，彼以一切莊嚴果報，復墮地獄，惡精進天，以彼神通而作功德，以彼一切莊嚴果報，或墮彼天，又若帝釋及轉輪王，具最上德及最上句，以彼一切莊嚴果報，復

生傍生、智者於一切時、宜應遠離天上最上大樂、恒觀菩提之心、靈明廓澈、無自性、無罣礙、亦無所住、一切皆空、亦復遠離一切戲論、大乘修行菩薩行門諸經要集卷上第一  
 出象腋經<sup>893</sup>有六種相應法行、善入一切甚深法行、何者為六、所謂一者修行菩薩若生地獄受天快樂、二者若生畜生、則受人間上妙快樂、三者若生貧家、則受轉輪聖王快樂：以是六種法故、善得一切甚深法行  
 第六 出摩訶般若波羅蜜經中<sup>897</sup>菩薩助佛道故、若發邪行惡見、將為善利、當知我今所發惡行、應是菩提利、故何以故、為我是邪見、不斷世間生死、是以我身變易世間、方便利益無量眾生、以是義故、修行菩薩如是智慧、心無散亂：為此三毒見助佛道故、轉易生死利益菩提、以是見故、生於世間、善巧方便、圓滿六波羅蜜、修行菩薩以資助煩惱、故得阿耨多羅三藐三菩提

<sup>898</sup>修行菩薩縱被瞋罵、返從乞求所須、皆是助道善緣、發起菩提心故

第十二 出海慧菩薩所說經 顯說八條行<sup>904</sup>

我識知是邪魔障鉤：我等今者以佛威神、欲說十二種邪魔、俱賒鉤：所謂一者若修行菩薩、修檀波羅蜜、所愛之物而生悵心、不愛之物方能捨施、若有親識、意樂施與、若非親識、心無捨施、施者受者俱生分別、世尊、此是修行菩薩第一障、布施魔鉤：若修行菩薩、善行精進、堅持戒行、威儀具足、少分所犯、則見聞其罪、身心清淨、平等習戒、若見精

進比丘及婆羅門、而生供養、共其習學、若見犯戒、則生瞋心、嫌恨惡賤、所修行業、自讚毀他、世尊、此是修行菩薩第二障、持戒魔鉤

<sup>905</sup>若見倚世豪族、則為顯揚其德、為其忍受、若見卑下庶類、則生瞋恨、而無忍心、雖暫忍、定心懷高慢、瞋恚無捨、世尊、此是修行菩薩第三障、忍辱魔鉤：若修行菩薩、勤心習學、而化眾生、令入聲聞緣覺乘中、不教大乘、而讚聲聞、辟支佛地、專習俗諦、捨棄勝義諦法、門、掩覆大乘、專修世俗名利：不覽大乘、不求佛法、世尊、此是修行菩薩第四障、精進魔鉤：若修行菩薩、起四禪定、三摩鉢底、宴坐寂然、成就禪定：毀些善行、有為功德、處不動、無為法、少分修習：樂無色天、以鈍心、故願壽長遠、若生無想天上、百千般佛成等正覺、是人無由值遇諸佛、不聞佛法、不值僧徒、不能成就眾生、亦不值受如來妙法、不值積集功德資糧、而無智慧、愚癡怠慢、若無想天壽生畢、已下生之處、少智、<sup>弱</sup>羸弱、世尊、此是修行菩薩第五障、禪定魔鉤：若修行菩薩、智慧彌廣、別識習性、知因緣起、所有不立、不行不住、而乃毀些、有為功德、遂失善巧、方便智慧、若布施持戒、忍辱精進、禪定、俱不修習、唯讚般若波羅蜜：心常無相、無為、將為最妙、是人未熟、智故、却墮邪路、世尊、此是修行菩薩第六障、般若魔鉤：修行菩薩、修阿蘭若、行樂住、寂靜、獨處山林、無所樂著、<sup>迥</sup>無儲積、不居道俗、少用功智、不動安然、亦不習學、深義、亦不成熟眾生：樂住阿蘭若、志存煩

惱不動、若不開剝煩惱種子、乃至八聖道路、是修行菩薩、雖在獨住、不利他己、世尊、此是修行菩薩第七障、阿蘭若魔鉤：學說外道種種言論、而乃覆藏如來佛法、如是之人、於佛法化成等正覺、專行斷滅、世尊、此是修行菩薩第九障、覆蓋甚深佛法、讚揚外道戲論魔鉤：<sup>906</sup>若修行菩薩、形貌端嚴、眾所欽仰、富饒高族、部從眷屬、倉庫珍寶、其數無量：以自威嚴、富豪力故、醉心怠慢、不見正路、若見出家、初修菩薩戒人、已出塵勞、精勤修習、集智資糧、智慧力故、為法精誠、宴坐風日、血肉乾焦、露骨羸瘦、晨昏修習、如救頭然、是貢高修行菩薩、若見如是行人、而生嫌賤、不共為伴、不隨受教、其心愚昧、闇鈍、無智、世尊、此是修行菩薩第十二障、我心所醉魔鉤  
 第十四 出善巧方便經<sup>907</sup>以於聲聞緣覺行中修習定故、此是修行菩薩重大所犯  
 第二十二 出虛空藏菩薩所問經<sup>910</sup>如何修行菩薩能伏一切邪魔、而得超度四魔、若修行菩薩以智慧故、見一切諸法、喻如幻化、則能超度陰魔、若聞甚深佛法、依句披尋、則能超度蘊魔、若悟常樂我淨、則能超度死魔、若不離菩提心、故則能超度天魔、然此修行菩薩能伏一切魔障：有魔障<sup>45</sup>種障、其正行第二十七 出光明遍照品經  
<sup>912</sup>聲聞弟子、雖復同住逝多林中、不見如來廣大神力、不聞佛說菩薩集會、按量法義、何以故、無明翳膜、覆其眼故、不曾種植、薩婆若地諸善根故：以不相應、住於無上菩提位故